

Sarajevo, 13-04-2022

Broj: 58-11-3-17541

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 58-11-3-17003 od 11.04.2022. godine, Generalna direktorica donosi:

**ODLUKU**

o izboru najpovoljnijeg ponuđača za  
„Nabavku električnih aspiratora/sukcionih pumpi  
za potrebe Klinike za anesteziju i reanimaciju (izolatoriji) KCUS-a“

Prihvata se prijedlog Komisije za „Nabavku električnih aspiratora/sukcionih pumpi za potrebe Klinike za anesteziju i reanimaciju (izolatoriji) KCUS-a“, po Izvještaju br. 58-11-3-17003 od 11.04.2022. godine, nakon provedenog otvorenog postupka javne nabavke, objavljenog na portalu e-nabavke dana 09.09.2021. godine pod brojem obavještenja 893-1-1-580-3-425/21 i ugovor se dodjeljuje najpovoljnijem ponuđaču:

**PLUS MEDICAL d.o.o. Tuzla**

**Električni aspirator/sukciona pumpa (20 kom)**

Red. broj	Opis	Proizvođač TIP/MODEL	Potrebna količina (kom)	Jedinična cijena bez PDV-a poslije e-Aukcije
1.	Električni aspirator/sukciona pumpa	DIXION VACUS 7308	20	3.191,74 KM
2.	Boca sa poklopcem (minimalno 4 litra) <i>Dodatna količina rezervnih boca</i>	DIXION STORAGE JARS 4000 ml	30	193,45 KM
3.	Sukciona crijeva <i>Dodatna količina rezervnih sukcionih crijeva</i>	DIXION SUCTION HOSE	60	58,03 KM
4.	Zračni filter (zaštita od kontaminacije) <i>Dodatna količina, zamjenskih, zračnih filtera (ukupna potrebna količina je 2000 kom, bez obzira na količinu u 1 pakovanju)</i>	DIXION AIR FILTER FOR VACUS 7308	2000	16,44 KM

**Vrijednost ugovora: 106.000,00 KM bez PDV-a + PDV 18.020,00 KM = 124.020,00 sa PDV-om**

- Uslovi plaćanja: u roku 15 (petnaest) dana od dana isporuke, puštanja u rad, obavljene edukacije osoblja za rad/upotrebe opreme i ispostavljanja fakture.
- Rok isporuke tražene robe, puštanja u rad i edukacije osoblja za rad: do 40 dana od dana potpisivanja ugovora i izdavanja narudžbenice
- Garancija na isporučenu robu: 12 (dvanaest) mjeseci

**II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

**III**

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima postupka javne nabavke.

*Handwritten signature*

## OBRAZLOŽENJE

U skladu sa Odlukom Generalne direktorice KCUS-a broj: 58-11-7-42132-1 od 08.09.2022. godine, pokrenut je otvoreni postupak javne nabavke električnih aspiratora/sukcionih pumpi za potrebe Klinike za anesteziju i reanimaciju (izolatoriji) KCUS-a. Procijenjena vrijednost nabavke je 110.000,00 KM bez PDV-a. Nabavka je planirana privremenim Planom javnih nabavki za 2021.godinu: kategorija „investicije robe“ redni br. 18, (Odluka o usvajanju privremenog Plana javnih nabavki Kliničkog centra Univerziteta u Sarajevu za 2021. godinu, broj: 646/20 br. protokola 04-2-59660/20), odnosno Planom javnih nabavki za 2021.godinu: kategorija „investicije robe“ br.18 (Odluka o usvajanju Plana javnih nabavki KCUS-a za 2021.godinu br.31/21 broj protokola: 65-04-2-43388 od 16.09.2021.godine). Za predmetnu nabavku sredstva su obezbjeđena iz raspoloživih sredstava od Federalnog Ministarstva zdravstva. Uslovi plaćanja predviđeni za postupak nabavke su: u roku 15 dana od dana isporuke i ispostavljanja fakture (na osnovu dopisa Sektora za računovodstvo, plan i analizu br.56-11-3-6958/21).

Klinički centar Univerziteta u Sarajevu je na portalu e-nabavke dana 09.09.2021.godine objavio Obavještenje o nabavci broj: 893-1-1-580-3-425/21, zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 13 (trinaest) potencijalnih ponuđača, a do krajnjeg roka određenog za prijem ponuda, dana 05.10.2021.godine do 9 h i 30 minuta, dostavljene su 4 (četiri) ponude ponuđača i to:

PODACI IZ PONUDE	1.	2.	3.	4.
Naziv ponuđača	<b>INEL BH d.o.o. Maglaj</b>	<b>DERBY TRADE d.o.o. Brčko</b>	<b>MEDICAL PARTNERS d.o.o. Tuzla</b>	<b>PLUS MEDICAL d.o.o. Tuzla</b>
Broj i datum ponude	10-11-3-45982 04.10.2021. (09:10)	10-11-3-46235 05.10.2021. (08:45)	10-11-3-46236 05.10.2021. (08:50)	10-11-3-46237 05.10.2021. (08:54)
Vrijednost ponude bez PDV-a	<b>109.960,00 KM</b>	<b>109.810,00 KM</b>	<b>108.835,00 KM</b>	<b>109.600,00 KM</b>

Na osnovu analize i ocjene ponuda dostavljenih za „Nabavku električnih aspiratora/sukcionih pumpi (20 kom) za potrebe Klinike za anesteziju i reanimaciju“, Komisija je konstatovala da sve 4 (četiri) dostavljene ponude ispunjavaju kvalifikacione uslove definisane Tenderskom dokumentacijom i obavještenjem o nabavci, zakazana je e-aukcija, te donijeta Odluka o izboru najpovoljnijeg ponuđača. Na donešenu Odluku o izboru najpovoljnijeg ponuđača broj 58-11-3-47905 od 13.10.2021. godine u zakonskom roku dostavljena je Žalba ponuđača Plus Medical d.o.o. Tuzla. Ugovorni organ je uz Izjašnjenje br. 01-11-3-50057/21 od 26.10.2021. godine, uloženu Žalbu prosljedio URŽ-u.

Ured za razmatranje žalbi BiH Rješenjem broj. JN2-03-07-1-2991-8/21 (KCUS broj:58-11-3-56078 od 01.12.2021.godine) poništio je Odluku o izboru najpovoljnijeg ponuđača br: 58-11-3-47905 od 13.10.2020.godine za nabavku električnih aspiratora/sukcionih pumpi (20 kom) za potrebe Klinike za anesteziju i reanimaciju (izolatoriji) KCUS-a i predmet vratio ugovornom organu na ponovno odlučivanje.

Na osnovu Rješenja Ureda za razmatranje žalbi Ugovorni organ je donio Odluku br.58-11-3-58968 od 15.12.2021.godine o poništenju Odluke o izboru najpovoljnijeg ponuđača br.58-11-3-47905 od 13.10.2021.godine za nabavku električnih aspiratora/sukcionih pumpi (20 kom) za potrebe Klinike za anesteziju i reanimaciju (izolatoriji) KCUS-a, i predmet vratio Komisiji na ponovno razmatranje.

Komisija je postupila u skladu sa Rješenjem Ureda za razmatranje žalbi BiH br. br. JN2-03-07-1-2991-8/21 od 24.11.2021.godine ( broj prijema na Protokol KCUS-a 58-11-3-56078 od 01.12.2021.godine) i izvršila ponovnu ocjenu – evaluaciju ponuda u skladu sa stavovima istog. Ponovnom analizom ponuda, Komisija je Zapisnikom o pregledu i ocjeni ponuda br.10-33-4-60055 Izvještajem br. 10-33-4-60055-1 od 21.12.2022. godine konstatovala da ni jedna od dostavljenih ponuda nije prihvatljiva i Odlukom br. 58-04-4-60450 od 22.12.2022.godine poništila postupak nabavke u skladu sa članom 69. Tačka 2)d) ZJN, jer ni jedna od primljenih ponuda nije prihvatljiva.

Odluka o poništenju postupka javne nabavke je u zakonskom roku dostavljena svim učesnicima postupka nabavke.

Nezadovoljan Odlukom o poništenju postupka nabavke za „Nabavku električnih aspiratora/sukcionih pumpi (20 kom) za potrebe Klinike za anesteziju i reanimaciju KCUS-a" broj 58-04-4-60450 od 22.12.2021. godine ponuđač „PLUS MEDICAL" d.o.o. Tuzla je dana 30.12.2021. godine dostavio Žalbu bb (naš broj 58-11-3-61909 od 30.12.2021. godine), zbog bitne povrede odredbi Zakona o javnim nabavkama BiH i povrede odredaba Zakona o upravnom postupku FBiH i druge relevantne pozitivno pravne regulative.

Na osnovu Izjašnjenja Komisije br.10-33-4-407 od 05.01.2022.godine Ugovorni organ je uz Izjašnjenje na žalbu br.58-11-3-406 dana 05.01.2022.godine predmet prosljedio Uredu za razmatranje žalbi.

U skladu sa Rješenjem URŽ-a broj:JN2-03-07-1-83-7/22 ( br.protokola 58-11-3-6132 od 07.02.2022.godine), Komisija za provođenje postupka nabavke je preispitala postupak javne nabavke i utvrdila da je u provedenom postupku za predmetnu nabavku, Komisija sve ponuđače tretirala ravnopravno, a prema tenderskim zahtjevima i raspoloživoj dokumentaciji iz dostavljenih ponuda.

Postupajući prema Rješenju URŽ-a broj: JN2-03-07-1-83-7/22, a uvažavajući činjenicu da žalitelj određene dokaze upućene URŽ-u, nije dostavio u prilogu ponude br. 10-11-3-46237 od 05.10.2021. godine, odnosno da isti nisu bili na raspolaganju Komisiji za provođenje postupka, Komisija je ponovno izvršila provjeru dokumenata dostavljenih ponuda, te ocijenila njihovu formalnu, pravnu i suštinsku valjanost i konstatovala da :

**Ponuda ponuđača „Derby trade” d.o.o Brčko nije prihvatljiva jer nisu ispunjeni zahtjevi koji se odnose na :** - tačku 3.1 i) **Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH, budući da nije dostavio dokaz o upisu medicinskog sredstva predmeta nabavke u Registar Agencije za lijekove i medicinska sredstva Bosne i Hercegovine za pozicije 3. i 4. Aneksa 2, odnosno 8. i 9. Aneksa 3- Tehničke specifikacije, mada je dostavio Rješenje Agencije za lijekove i medicinska sredstva Bosne i Hercegovine samo za pozicije 1. i 2. Iz Aneksa 2, Obrazac za cijenu ponude, odnosno pozicije 1. i 7. Aneksa 3- Tehnička specifikacija.**”


-Tačku 3.1. k) **Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.). Dostavljen je certifikat/i serviser(a) (najmanje jedan) kojim ponuđač raspolaže, ali nije dostavljen dokaz da su ponuđač i serviser/i u poslovnom odnosu tj. nije dostavljen Ugovor o radu ili Ugovor o angažovanju ili Izjavu i sl.**

Ostale dostavljene ponude ispunjavaju tenderske zahtjeve u pravnom, ekonomskom i tehničkom smislu. Obzirom da je za postupak nabavke predviđeno provođenje e-aukcije, na osnovu analize ponuda Komisija je konstatovala da 3 (tri) dostavljene ponude zadovoljavaju tenderske zahtjeve u pravnom, ekonomskom i tehničkom smislu i predlaže da se za predmetni postupak nabavke **električnih aspiratora/sukcionih pumpi (20 kom) za potrebe Klinike za anesteziju i reanimaciju KCUS-a**, zakaže e-aukcija prema ponuđenim cijenama sa ponuđačima kako slijedi:

PODACI IZ PONUDE	1.	2.	3.
Naziv ponuđača	<b>INEL BH d.o.o. Maglaj</b>	<b>MEDICAL PARTNERS d.o.o. Tuzla</b>	<b>PLUS MEDICAL d.o.o. Tuzla</b>
Broj i datum ponude	10-11-3-45982 04.10.2021. (09:10)	10-11-3-46236 05.10.2021. (08:50)	10-11-3-46237 05.10.2021. (08:54)
Vrijednost bez PDV-a	<b>109.960,00 KM</b>	<b>108.835,00 KM</b>	<b>109.600,00 KM</b>

Uzimajući u obzir naprijed navedno, a nakon provedene e-aukcije, Komisija je Izvještajem br. 58-11-3-17003 od 11.04.2022. godine dala prijedlog da se za nabavku električnih aspiratora/sukcionih pumpi , ugovor dodjeljuje najpovoljnijem ponuđaču „PLUS MEDICAL” d.o.o. Tuzla sa ponuđenom cijenom usklađenom nakon provedene e-aukcije (umanjenom za 3,28%) i ukupnom vrijednosti ugovora u iznosu od 106.000,00 KM bez PDV-a.

Prijedlog Komisije je prihvaćen i donosi se odluka kao u dispozitivu.



**GENERALNA DIREKTORICA**  
**Prof.dr. Sebića Izetbegović**

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:  
- Ponuđačima;  
- Tehnički sektor  
- a/a KCUS

*[Handwritten signature]*